

畧陽縣誌

44170.229

33

:2

人物

勲爵

晉

楊

璽邑人元嘉中封武都王謚忠順

南北朝

垣護之仕宋封益陽侯

垣詢之護之弟封益陽侯

唐

畧陽縣志

權文誼邑人荊州大都督長史封平涼公

明 進士

卜 齋官兵科給事中

封庫寶官戶部主事

皇清 進士

梁 舟官中書舍人

明 舉人

卜 齋丙子科進士



封庫寶 庚子科進士

周恭禮 癸卯科

湯浴 壬子科官通判

楊明 癸酉科

皇清 舉人

劉羽繩 辛卯科官知縣

梁舟 辛卯科進士

明 貢士

畧陽縣誌

何器 官通判

王斌 官主簿

陳本 官縣丞

梁增

景芳 官吏目

劉安 官檢校

裴儀 官吏目

侯庸 官吏目

梁頴 官主簿

羅獻 官知縣

侯枯 官縣丞

梁濟

傅禮 官吏目

李微 官奉祀

羅灝 官縣丞

謝文魁 官吏目

侯 本官縣丞

侯 璽 官知縣

劉廷舉 官吏目

或貫之

劉 廣

李 崧 官知州

趙友仁

陳士隆

畧陽縣誌

賀友學

張 璣

王 用

李 欽

羅九 咳 官教諭

何 經 官初事

張 傑 官縣丞

賈文琮 官訓導

周 成 恭禮之子 官知縣

封 璽 庫實之子 官縣丞

高九思 官典簿

羅 嵩 官知縣

劉 廷 官縣丞

何文煥

襄 浮

羅九疇 官知縣

張養正

王 銘

吳 哲

劉世安 官縣丞

襄 陽 官主簿

庸 鸞

羅 華 官訓導

周 文 官訓導

楊 宥 官訓導

趙 綬 官知縣

李九學

張顯棟 官訓導

何 洋 官縣丞

趙近臣 官縣丞

賈 言 官主簿

牛 毓 官通判

畧陽縣誌

杜顯又

吳 鍊

馮元吉

羅大宗 官知縣

蔡 泰 官知縣

張九經 官教諭

趙 孟 官縣丞

何 化 官主簿

劉 芳 官知州

羅 江 官知縣

楊文學

劉 儀 官主簿

王仲傑 官主簿

何 紀

李東甲 官知事

楊世孝 官主簿

四

何得清 官縣丞

葉鳳儀

丁崇德

郭 洲

楊 朴

郭 洙

楊 芳

刑 綰

劉 佶 官縣丞

黃 棠 官通判

康 守 洛

楊 之 奇 官訓導

晏 相 官訓導

李 培 根 官同知

羅 一 夔 官知縣

王 世 榮

劉 起 元

劉 起 敬 官通判

羅 士 慧

陳 濩 官縣丞

蔚 可 喬 官學正

楊 時 科

劉 勇 官學正

黃 訓 官訓導

畧陽縣誌

五

劉 繼 先 官通判

程 英 士 官訓導

李 光 先 官教諭

段 行 可 官訓導

劉 起 豐 官訓導

鄭 蘭 芳 官通判

劉 績 先

侯 于 周

張 學 顏

何 天 賜 官知州

趙 玠 官知縣

張 星 輝 官知府

劉 明 彥

繼先子選貢官知縣勅封文林郎

劉 明 卿 信之子

趙 賓

劉明相 繼先子選貢官參議加一級後誥封中憲大夫

鄭珍 鄭環

程紹孔 官參議 蔚遠

李方白 官訓導 李作棟

吳道立 官縣丞 陳三策

皇清貢士

李先白 官兵馬指揮淡 綵 官教授

黃恩大 官學正 程繼孔

畧陽縣誌

梁煇 李恒芳

張時升 官縣丞 程世典

康兆民 明相之子官知縣 劉景舉 縣誥封

侯興新 黃正中 官訓導

王用才 李芳桂

馮登先 陳宗器 官訓導

康一麒 馮居宗

劉必齋 劉長虹

龐騰鳳 官訓導

張鳳翼

王 謨

劉 燠

侯晉侯 鼎新之子

劉康猷 必鰲之子

陳伊訓 宗器之子

劉齡長

高倬漢

劉士熊

原任潼關縣訓導

何瀛祥

現任鞏昌府文縣訓導

衡廷麒

現任甘肅州府高臺訓導

高 琰

原任延安府安塞縣訓導

劉士燕

高 琳

焦自若

畧陽縣誌

七

寇 琦

楊大謨

劉士巖

龐虞卿

馬 健

高 卓

余慎修

皇清 武舉

劉景亮

官湖廣永明縣 莒川營守備

高文選

皇清 武官

王進才

以武功累官四川建昌總兵



封贈

明

劉繼先

通判以子明考贈承德郎又其子明相追贈朝議大夫

司參議

程英士

訓導以子紹孔贈朝議大夫

皇清

劉明相

參議以子景舉贈階中憲大夫

皇清

恩蔭

程世章

承父紹孔蔭官都陽知縣

畧陽縣誌

八

贊達

漢

錫

光邑人哀平時為吏趾守不附王莽光

武即位遣使歸順拜大將軍

郭

荷邑人安順時累次徵辟不就荷明克

古今有末帝不慮州郡命日以文章自娛

張祚遣使徵為博士祭酒進而致身至即

上疏乞歸作以安車蒲輪送還畧陽年八

十四卒謚曰元德先生

晉

楊

盛邑人以世胄仕晉及劉裕受禪盛曰  
吾老矣當終爲晉卒於宋元嘉年間追封  
武都王後傳爲神復封靈峻照應晉濟忠  
順王立廟祀焉

南北朝

垣 遵邑人仕宋官至員外郎清白靖公中

汝陽縣志

九

外仰其丰采

垣 閔垣遵之子爲中郎歷三州刺史封樂

鄉縣男物齋高帝爲子晃求閔女閔曰齋  
大非偶也及即位爵如故

垣 護之遵侄也文帝時屢遷鍾離太守天顧  
濟此文帝崩孝武入討護之率衆馳赴以  
爲冀州刺史義宣反護之大破其黨遷徐  
州封益陽侯尋徵右衛將軍謚壯侯

垣詢之驍勇有力孝武即位以爲騎射將軍  
梁山之役力戰中流矢卒

垣曇深閔之子博學多聞爲臨城尉拜羽林  
參軍劉楷爲交州守王儉曰羽林監垣曇  
深雅有學行當令同行及隨楷未交州而  
殞

垣崇祖詢之子仕宋歷瑯琊蘭陵太守齊高  
帝踐位徙豫州魏攻壽春祖於城西堰淝

畧陽縣誌

十

水北築小城魏攻之祖決堰下水溺死以  
千計魏師退進爲都督

垣榮祖諒之子齊高帝時與佐命勳封將樂  
縣子器識才幹有父風

李遷哲邑人世爲山南豪族常統本鄉部曲  
甚得人心周文畧地山南獲哲命與賀若  
敦同往經畧巴蜀相繼納款授侍中真州  
刺史

呂婆樓邑人符堅時爲侍口尚書能爲王猛  
於符堅後官至太尉

權 翼邑人侍符堅爲給事黃門侍郎諫堅  
未可伐晉又言慕容垂不可信堅不聽後  
悉如其所慮

隋

李襲志邑人蕭洸攻末軍時屢攻不下閭煬  
帝崩與士民縞素三日流離之際不忘大

畧陽縣誌

十一

義固守二年方屈被隋

何 妥邑人有才名周武帝重之授太學博  
士高祖受禪除國士博子上令妥定鍾律  
上表許言禮樂之事又論時政損益指斥  
朋黨尋爲國子祭酒卒謚曰肅撰周易講  
疏行於世

唐

權 倕邑人與蘓源明相友善博洽群書文

韋絕致官羽林將軍  
擢舉倅之子按唐書舉於天寶中祿山使  
之獻俘京師舉察祿山有異志詐死逃逸  
由是名聞天下又按新唐書舉列卓行傳  
德輿舉之子按舊唐書德輿字載之天水  
畧陽人生四歲能屬詩七歲居父喪以孝  
聞十五爲文數百篇編爲童蒙集名聲日  
大韓泐黜陟河南辟爲從事試秘書省秘

書郎貞元初復爲江西觀察使李叟判官  
再遷監御史府罷柱佑兼冑皆奏請三表  
同日至肅德宗雅聞其名徵爲太常博士  
轉左補闕遷起居舍人兼知制誥轉駕部  
員外司勳即中職如舊遷中書舍人貞元  
十七年冬以本官知禮部貢舉來年真拜  
侍郎凡三歲掌貢士號爲得人轉戶部侍  
郎元和初歷兵部吏部侍郎坐郎議誤用

官闕改太子賓客後爲兵部侍郎遷太常  
卿拜禮部尚書平章事與李藩同作相及  
李吉甫自淮南詔徵未一年上又繼用李  
絳吉甫絳議政頗有異同德輿不敢有所  
輕重坐是罷爲本官尋以檢校吏部尚書  
爲東都留守復拜太常卿改刑部尚書十  
一年復以檢校吏部尚書出鎮興元十三  
年八月有疾詔許歸闕道卒年六十贈左

僕射謚曰文有文集五十卷行於世

權 璉德輿子多才藝善屬文舉進士拜京

兆叅軍歷官鄭州刺史爲政簡要卓有聲  
稱

黃 文邑人少真敏嗜古學元和初舉進士  
官至侍郎正言侃侃中外畏其清直

宋

周 道邑人不阿時好官至侍郎清慎足爲

楷模

王大才邑人乾道中進士官至招撫使能摘

奸發伏

元

林東邑人至正中舉進士不樂仕進或勸

之仕輒曰遲之所以養吾器也或又促之

曰六器晚成君何促為窮約自甘遂終其

身

峇陽縣志

十四

明

卜歲邑人潛心理學事親孝建文帝丁丑

進士官至給事敢言為人憚服

封庫寶邑人末樂辛丑進士官戶部主事歲

明著績

湯浴邑人宣德壬子舉人正定府別駕剛

正不阿廉潔自愛致仕歸足跡不入城市

孝義

唐

李孝儒邑人原名儒性至孝每讀書遇及於  
孝輒流涕掩卷高宗知名見召即辭歸養  
親人稱之曰李孝儒

節烈

明

卜氏夫姓名失傳歲之姑也洪武初芳年守  
節奉旨建坊表墓墓在縣西三十里地名

畧陽縣誌

十五

張家灣坊則廢矣

楊氏庠生劉恢妻讀書明大義勸恢立學本  
圖鵲起不意分飛年二十三栢舟自矢奉  
文旌表歲加給卹

羅氏梁貢妻年二十一夫死有遺腹子姑病  
願以身代翁姑相繼氏歛葬如禮俄而子  
又夭泣曰梁氏一脉維矣我何生為遂不  
食而死



王氏里人徐士選妻崇禎甲戌遇寇欲汙之  
不從曾以刃不能奪賊剖其腹  
王氏里人王康寧妻崇禎丁丑流賊獲氏逼  
而欲汚不從連殺二幼子以脅氏氏罵不  
絕口賊怒磔殺氏

皇清

劉氏王世業之繼妻也年十九夫亡撫遺腹  
子子又殤志益堅奉文旌揚年九十餘卒

畧陽縣誌

十六

芮氏適士子劉起敬爲室青年矢節遺子羽  
緇爲孝廉全蓋平有聲母氏之教也

潘氏里人李應登妻順治避寇熊樹岩岩將  
破氏以衣蒙面投岩而殞知府滕天綬旌  
其門曰蒼烟含玉

王氏里人王再所妻順治時借居岩岩賊攻  
若氏束衣投崖知府滕天綬旌其門曰抱  
璞藏貞

李氏里人高映璧妻有豪右欲強娶剪髮毀  
面誓死以拒今六十七歲知府滕天綬旌  
其門曰節悍風靈

張氏里人梁天培妻年二十三夫死甘貧守  
節癸丑之變偽將欲逼之引刀毀容賊駭  
而走今踰五旬二孤亦已成立莫不高其  
水守知府滕天綬旌其門曰毀容正節

羅氏里人梁五十子之妻年十六居山左

右無鄰強暴乘其孤夜往欲污之氏不從  
脅以必志愈堅視不能奪遂磔而殺之奉  
旨建坊旌表

高氏係貢士陳伊訓之妻生子三人俱幼氏  
年三十夫亡堅志守節家道蕭條衣食不  
給氏晝夜紡績以撫遺孤嘗囑其子曰我  
苦爲汝汝當勤讀以承先志今子俱得遊  
泮皆氏朝夕訓誨之所致也於雍正六年

七月初一日奉

音建坊旌表

僊釋

唐

徐佐卿不知何時人自稱青城道士在略陽  
飛僊嶺修煉化鶴飛昇

何尚翁邑人修真於僊人關道成飛昇闕以

此名在縣北一百四十里

畧陽縣誌

一八

僑寓

漢

蔡邕洛陽人入蜀寓畧陽作邨園銘隸於

白崖

唐

李白隴西人常往還蜀隴間富吳錫經青

泥嶺作蜀道難以欲峻險

社甫襄陽人由鳳州入蜀寓畧陽遊靈巖

寺有題咏

宋 柳宗元解人寓畧陽作江運記

宋

蘇軾字子瞻眉州人熙寧間寓興州與鮮

于侁同遊靈岩有題咏

藝文志

詩

唐

畧陽縣誌

十九

飛僊閣

杜甫

二門山行窄微徑綠秋毫接雲欄干峻梯石  
結構牢萬壑歌踈林積陰帶奔濤寒日外澹  
泊長風中怒號歇鞍在地底始覺所歷高往  
來雜坐卧人馬同疲勞浮生有定分飢飽豈  
可逃歎息謂妻子我何隨汝曹

按方輿勝覽飛僊嶺在興州東三十里相傳徐佐卿化鶴陞泊之地故名山有閣道百餘間即入蜀道

聽嘉陵江水

前人

鑿崖池奔湍稱古神禹跡在喧山門在獨宿  
不安席水性自云靜石中本無聲如何兩相  
激雲轉空山驚

興州江館

前人

向蜀還秦計未成寒蛩一夜透窓鳴愁眠不  
穩孤燈盡坐聽嘉陵江水聲

咏嘉陵江

薛逢

借問嘉陵江水涓百川東去爾西之但教清

畧陽縣誌

二

淺源流在一路朝宗會有期

靈岩述舊

歐陽詹

不到靈岩又二年重來風景尚依然層巒迤  
出晴霄外倦鳥歸飛夕照邊坐受雲林泉石  
好行尋煖谷野橋連同遊不覺天將晚暫借  
僧房一榻眠  
元

遊靈巖

張俞

玉文山後靈岩寺四百年來選佛場滿地白  
雲關不住石泉流去落花香

遊靈岩

鮮于侁

千峯環卽宇二水遶城堞每憐山水佳况復  
開岩穴川流數里近放棹攀巖窠靈岩駭神  
化環蔭教畝闕何人營佛寺棟宇殆天設前  
軒瞰溪山眺聽心耳豁徑穿巨水下碧玉聳  
高節湏流瀉石饒玉乳甘且潔其東乃小岩

洞戶敞深徹巖岩見石柱任重立精鐵昔人  
遇真僊相携觀金闕川平聽鷄犬始覺人事  
別屈曲沿清溪桃花正開發塵緣念鄉縣歸  
思若眩澹寤寐瞬息間岩扉已嚴鑄時遷等  
陵谷事勝存圖牒獨有蒼江流青霄鑒明月  
予來秋之季氣象頗淒切草木自變衰山花  
常復活青暉沃寶適異境差勝絕薄暮上歸  
鯉依然望林越

遊靈巖

王龍亭

古寺山坳遠，驕攀一徑斜。  
洞深留碧靄，溪急蕩晴沙。  
殿接崑松影，堂鄰野客家。  
謁僧詢世事，無語指燈花。

遊靈巖

文紳儀

一入靈巖寺，凭欄望眼遙。  
山深雲障日，江闊夜生潮。  
古洞遺僊跡，流泉傍石橋。  
醉來搔首味，得句興偏饒。

遊靈巖

張昌祖

深壑敞禪扉，獨對天下奇。  
烟雲藏不盡，花木秀無時。  
語謂神僊去，我疑蛟壘移。  
沉吟玷佳景，有句不成詩。

遊靈巖

富言

聞說靈巖境，最幽乘間艤。  
棹共追遊飛，泉翠滴半空。  
雨古樹陰連，萬壑秋縹緲。  
香烟籠梵榻，嵯峨山勢枕。  
江流登臨眺，望關河遠惹起。

思鄉戀國愁

遊靈岩

李茂先

雪巖偶得片時留  
傾倒清罇興未休  
香積尋常分藥水  
禪林自昔枕江流  
羊腸盤轉層崖  
蔭山腹空懸古洞  
幽談笑相逢情更厚  
何嘗攜手約重遊

遊靈岩

劉異

築水標題不記年  
奇花深洞舊通僊  
山迴巨

蔭常遮日境絕纖埃  
別是天碧照東西  
江浩渺綠迷高下  
竹嬋娟凭欄周覽  
儵然靜全像香殘  
一炷烟明

同友遊靈岩

周夢暘

岩開幽洞自何年  
獨倚江頭清可憐  
一水遠聯秦蜀路  
兩峯高峙井參邊  
穴中不見通僊路  
壁上空存覽勝篇  
酒興有餘聊更酌  
與君



同醉菱荷天

孤貞歌

白桂 邑金

余節婦馬家母年方二十良人故一朝同死  
諒不難旬月孤兒伏誰撫門衰祚弱心皇皇  
孤兒日長性醇良教書和淚手新寫正字從  
頭心不忘子在膝邊夫在地千鈞一髮懸宗  
祀萬口誰能移所天三從自許成今志暮景  
侵尋鬢已皓孤兒食祿將登科馬家舊住連

畧陽縣誌

二十四

城下高明正與同峩峩子生未識嚴君面母  
教至今猶不倦百年肯負泉下人寸念長於  
手中線卓槩蔡旻何足數孟母共姜堪並賢  
孤兒今日廩祿養少酬節母素心堅

畧陽道中

劉 嵩

桂棹衝開濤浪馬蹄踏碎煙雲綠水青山常  
見金堂玉洞開聞  
白水遠來天際青峯半棟雲中一曲山歌樵

子半菴煙雨漁翁

淡淡濃濃遠樹重重叠叠高山塞外征人禾  
逐天邊倦鳥飛還

石蹬高低道路茅庵遠近人家山靜時聞啼  
鳥江空喜見梅花

嘉陵風景

劉璣

翠壁嵐光雨後鮮  
峩峩如画碧連天  
漁翁坐釣江邊月  
販客舟浮水上僊  
官味一廉羹石

畧陽縣誌

二十五

芥民生三飯種山田  
雨暘時若天邊惠願聽  
人歌大有年

遊靈巖

白桂邑令

一佛臥空天三椽佛殿前  
陵江浮北斗藥水引長年  
曲徑花容咲叢林鳥語喧  
蓬萊何處是身世依雲天

皇清

嘉陵秋漲

諸保宥邑令

何處聞風雨江流觸石聲終當到東海鯨背  
看潮生

蔡中郎廟閣銘碑

施有光 邑令

君不見雲書鳥篆恣奇文岫嶠石鼓源流分  
後漢伯英變今法亞聖草賢接踵聞桓靈之  
世劉君嗣行書創起推獨異此時更有絕倫  
人入妙超神非一致曠世逸才屬中郎直言  
覘望至今香餘情潑墨龍蛇走廟閣銘碑猶

峽陽縣誌

二十六

非常試問銘碑何自始廟閣建由良牧李飛  
担懸拱利徒行見者神揚爰作紀高閣名碑  
稱二絕滄桑兵燹及磨滅至物還應歸玉樓  
閣久傾圯碑盡缺 真蹟無一字今所傳者  
臨摹付本耳 昔曾登

代陟巔危欲補秦皇無字碑又曾南探金庭  
遊鴈蕩芝函玉冊杳難狀由來奇字不肯落  
人間蘇碑斷碣石皆覆欲知世上驚人筆多  
在窠中未見山

按郾閣銘碑真在白岩宋李虞卿恐久而  
失蹟故復刻於靈岩之羅漢洞

漢

郾閣銘碑

蔡 邕

惟斯折里處漢之右谿源深湫接注於道涉  
秋霖澆盆溢深溝濤汲滂洶激揚絕道漢水  
逆濼藉滯商旅路當二州經用所沮沮縣甚  
久或給州府休謁往還恒失日晷行旅咨嗟

畧陽

二十七

郾縣之苦斯鷄既然郾閣尤甚雋崖鑿石處  
隱定於臨深長淵三百餘丈接木相連貌爲  
萬柱過者愕睵乘黃爲下常車迎布遭過墮  
納人物俱墮沉沒洪淵黜製爲禍自古迄今  
莫不創楚於是太守漢陽河陽李君諱惠字  
伯都以建寧三年二月辛巳到官思惟惠刻  
有以綏濟聞此爲難其日久矣嘉念高帝  
開石門閱其功不朽乃俾官楫下翔鸞

解危殆即便求隱析里大橋於爾乃造校致  
故堅故巧雖百魯班亦莫擬象又醜散闕之  
漸潔從朝陽之平燠戒西閣就安寧之石道  
禹導江河以靖四海經紀厥績艾康萬里勒  
石示後乃作頌曰降此惠君克明峻德允貲  
先文躬儉尚約化流若神教民如約精通體  
穹三納符銀所歷垂勲香風有隣仍致瑞應  
豐稔以樂行人彞欣慕君靡已乃詠新詩曰

畧陽縣誌

二二八

川父之間高山崔嵬兮水流蕩蕩地既磽确  
兮與禹爲隣析分告績業兮至於困貧危危  
累卵兮聖朝憫憐末傾兮全育子遺卹勞曰  
稷兮惟惠勤勤充庶兮百姓歡欣食曰太平  
兮文翁復存

唐

鵲巢背太歲賦

權德輿

邑人

營巢有因惟鵲無能始自小寒之日不當太

歲之神辨向背以經營必先避地顧縱橫而  
積累足以藩身且其矯翼徘徊向隅栖息時  
懷握木之志日就積薪之力若在離宮之下  
不可巢窟如當子位之中無因逐北所以率  
先表異靈勝知歸應時節而遷易辨方隅之  
是非愈復明神自易地而攸處顧茲弱羽信  
何枝而可依時也苟遂安居寧辭力役銜腐  
草而構憲向高柯以容跡動觀所忌如方士

之工層擇地已有知風豈無方一枝而自託  
雖小樹之能物且相質以和鳴喜同于雀乃  
卜吉而聚趨甚於鳧况復藉用茅茨殊荷庇  
蓋任風雨而自適豈陰陽而去泰念土宜之  
是顧方信樂天匪集止之自然焉能向晦爾  
乃節屬嚴凝時方返寒理地角而知禁豈天  
時之可干切銜泥而卒止知於歲杪聊寓跡  
以求安既而飲啄無虛推移不滯得厭勝之

良術誠棲止之上計潛軫鳴條之慮必附枳枸  
之勢摧枯拉朽已完葺于崇朝命似引雛聊  
優游以空歲顧末俗之無遠信名禽之可繼

江運記

柳子厚

御史大夫嚴公牧於梁五年嗣天子用周漢  
進律增秩之典以親諸侯謂公有功德理刑  
就加禮部尚書是年四月使中謁者來錫公  
命賓僚吏屬將校卒士鰥老童孺填溢公門

畧陽縣誌

舞蹈歡呼願建碑記德垂億萬祀公固不許  
而相與怨咨寔遑如不飲食于是西鄙之人  
密以刊山導江之事願刻巖石曰維梁之西  
其蔽曰某山其守曰興州興州之西爲寇居  
歲備亭障實以精卒以道之險阻兵困於食  
守用不固公患之曰吾嘗爲興州凡其土人  
之故吾能知之自長舉北至於青泥山又西  
抵於成州過粟亭州踰寶井堡崖谷峻隘十

里百折負重而上若蹈利刃盛秋水潦窮冬  
雨雪深泥積木相輔爲害顛踣騰藉血流棧  
道糗糒芻藁填谷委山牛馬辟畜相藉物故  
運夫旱力守率延頸嗷嗷之聲其可哀也若  
是者綿三百里而餘自長舉而西可以導江  
而下二日而至昔之人莫得知也吾受命於  
君而育斯人其可已乎乃出軍府之幣以脩  
器用卽山僦工由吳轉巨石仙大木焚以炎

畧陽縣誌

三十一

火沃以食醢摧其堅剛化爲灰燼舂錘之下  
易甚朽壤乃闢乃壑乃宣乃理隨山之曲直  
以休人力順地之高下以殺湍悍厥功旣成  
咸如其素於是決去壅土疏導江濤萬夫呼  
咻莫不如志雷騰雲奔百里一瞬旣會旣遠  
澹爲安流蒸徒謳歌枕臥而至戾人無虞專  
力待寇惟我公之功疇可俾也而何以酬德  
致其大願又不可得名矧公之始來屬當西



歲府庾甚虛器備甚殫饑饉昏札徙死充路  
顛公節用愛人克安而生老窮有養幼乳以  
遂下問不使咸得其志公命鼓鑄庫有利兵  
公命屯田師有餘糧選徒練旅有衆孔武平  
刑議獄有衆不黷增石為防膏我稻梁歲無  
凶災家有積倉傳館是歸旅忘其歸杠梁以  
成人不履危若是者皆以兵隙帥士而為之  
不出四人之力而百役以就且我西鄙之職

官故不能具舉惟公和坦直方廉毅信讓敦  
尚儒學抑損貴倖率忠與仁以厚其誠有可  
以安利于人者行之堅勇不俟終日其興工  
濟物宜如此其大也昔之為國者惟水事為  
重故有障大澤勤其官而受封國者矣西門  
遺利史起興嘆白圭壑鄰孟子不與公能彞  
險休勞以惠萬代其功烈尤章章焉不可蓋  
也是用假辭碣二勒石存之用永憲於後祀

宋

遊靈巖詩序記

鮮于侁

熙寧三年秋中漈于侁行部偶公暇與太守  
虞曹郎李茂先晉弼僉謀殿省丞文紳儀公  
遊渠巖精舍舟而下數里乃並岸登山又數  
百步有一巖環覆可拾畝佛宮構其下崖壁  
巖呀石色青融怪不可名常像殿之前有一  
軒瞰臨溪怒山俯仰可愛又東行迤邐行間

晷陽縣誌

三十三

見石脉出泉玉色如乳云飲之可蠲疾又數  
十步抵小崖崖修數丈廣盈尋中有一石柱  
承載巖崖殆非耳目所聞見也其後有洞穴  
云昔人常誤入其中行數里見川源花木之  
異或憶其家遂恍然欲行迷失處所予愛其  
境物之異徘徊久之因為文以記

白水路

在縣北一百二十里  
大石碑

雷簡夫

至和三年冬利州路轉運使主客郎中李震

卿以蜀道青泥巖舊路高峻請開白水路由鳳州河池驛至長舉驛五十一里有半以便公私之行具上未報卽預畫材費以待其可明年春選興州巡轄馬廛舖殿直喬連頴禱園並郵兵五十餘人因山伐木積於路處遂籍其人周訖是後又請知興安軍事虞部員外卽劉拱揔護督作一切仰給悉令爲具命僉署興安判官太子中舍李良祐權知長舉

縣事順政令商應程度遠近按視險易同督斯衆知鳳州河池縣事中丞王令圖首建路議卽移文令圖通幹其事至秋七月始可其奏秋八月行者已走新路矣十二月諸工告畢作閣道三千三百九間郵亭營屋網院三百八十三間減舊三十三里廢青泥一驛除郵兵驛馬一百五十六人騎歲省驛廩舖糧五十石畜草一萬園放執事役夫三十餘人

路未成會李遷東川路今轉運使工部郎中  
田諒至審其績狀可成故喜猶已出事益不  
懈於是斯役肇于李而成于田也嘉祐二年  
三月田以狀上且曰虞卿以至和二年仲春  
興是役仲夏移去其經營建樹之狀本與令  
圖同臣雖承乏在臣何力願朝廷旌虞卿令  
圖之勞用勸來者又拱之總役應用良祐應  
之按視脩創建之採造監領皆有著效亦乞

陞擢至于軍士十長而下並望賜與以慰遠  
朝廷議依其請初景德元年嘗通此路蓋青  
泥土豪輩唧唧巧語以疑行路且驛廢則客  
卸酒壚爲棄物矣淫食游手安所仰耶小人  
居常爭半分之利或睚眦相抵乘行人一切  
之急射一日十倍之譽顧肯默默耶這作百  
端理固然耳向使愚者不怖其誕說賢者不  
或於風聞則斯路初亦不廢也大抵蜀道之

難自昔以青泥嶺稱首一旦避險即安寬民  
省費斯利害斷然易曉烏任聽其悠悠之談  
耶而後之人見己之易不念始成之難則斯  
路永期不廢矣嘉祐二年二月六日記  
明

畧陽縣遷建廟學記

何景明

學憲

正德己卯春予董學事由徽州入岷浮白水  
江下畧陽視其城中卑江水西來衝之多激

畧陽縣誌

三十六

流迅湍歌圻崩折而學宮正居其卑夏縣書  
報江溢大水城陷學宮悉沒副使寧波呂君  
克中時按治關南乃行縣躬詣其地視之則  
堂壇墊爲沮洳殿廡蕩于沙石矣遂集衆謀  
曰茲地卑甚不可復即復終能免患耶于是  
使同知何子奇率教官張繡諸生羅江劉儀  
等及卜相其地宜圍爲永遠獲地于縣治之  
北抗敞可宮考兆曰吉僉謀畢諧君乃擇委

漢中衛知事金坡治其工又發贖金三百餘  
付之坡程諸匠作鑿石代材拓荒闢穢經始  
于庚辰夏五月又五越月而卒其役凡爲宮  
室殿五楹廡東西各八楹戟門三楹櫺星門  
三楹細賢名宦祠各一楹堂三楹齋東西各  
三楹儀門三楹東西號舍各十一楹其餘牲  
所神厨廩廬咸備左高爲廟右下爲學崇卑  
就列向背因形椽題約制輪奐觀聖靈既

妥賢才斯萃惟君思創樂成猷厥終始乃令  
教諭李崇實狀列其事請紀諸石按志云畧  
陽地自漢隸唐宋爲河州隸興元府元始徙  
州治于驛水改畧陽爲縣隸之至正十年縣  
令李舜臣建學于縣治北國朝改河州爲縣  
與畧陽俱隸漢中府洪武四年縣丞葉禮徙  
學于縣治東北正統十三年大水學宮壞教  
諭譚志學脩之成化四年又大水學宮又壞

知縣李鑑脩之坡之開此地也掘土得石碑  
視其記實舜臣徙學古地也蓋自葉禮改徙  
之後迄今凡三遭大水而後徙地仍復其故  
豈非得失哉夫畧陽爲古羗氏之域至文王  
行江漢之化其風氣已開文明漸被矣矧由  
數代以及我明立學崇教三盛則習俗移易  
其何已乎然百餘年來人物擊名尚未底於  
融顯豈以僻處梁雍之間乎亦由屢兵荐沴

役繁立鮮而士不得以隆其業也呂君之蒞  
關南撫循其民簡練其卒厚農薄歛芟寇清  
刑然後興廢舉墜脩學敦教獎官師勵人士  
以行其政教焉孔子曰足食足兵民信之矣  
余于關南庶其見之昔文翁興教相如爲師  
蜀之有學蓋肇于此今茲之建是宅阜隆以  
降端悍構造維新地復其舊天相人協理臻  
勢會肆寧厥居實惟永觀俾俎豆之事表于

東南絃誦之音流于漢沔文翁豈專美耶後世必有考畧陽之學究其文物所從來者則呂君功德何可以弗著哉何可以弗著哉

重修廟學記

龔懋賢

漢在秦封遠畧陽又漢遠邑按地志畧陽壤接嘉陵星分鶉首蓋稱奧區舊矣邑有學自元至正建今更置非一令坵則仍元故地歷年多殿廡半就圯至啓聖名宦鄉賢諸祠敬

一亭諸制得俱備者固闕如也皇帝九年辛巳知縣王之臣慨然以脩廢爲己任先是請于撫憲蕭公余偕茶院赫君俱可其議既治其圯又增其闕者越明年壬午遣役博王子鴻漸告成事于余惟我國家以學士經世而育士則於學校故上自二千石下至今長胥有學誠重之也畧陽雖褊小豈直十室已乎高文二廟間中第代不乏人昭廟而後歲有



升之司徒者亦斌斌文獻故都矣迄今廟廡  
鞠荒祠亭不侔局以貞教而育士偉哉至子  
之此一舉也士教其興矣雖然予反覆國家  
建學之意猶有進於是者以告王子夫秦故  
伏羲神農黃帝堯舜禹湯文武周公之所治  
開闢以來神聖繼作十常九人秦產也厥後  
雖以祖龍計首功塵六國而儒風灰燼赤帝  
跨馬上牧三秦而詩書闕道然自惠文醞釀

以逮唐宋千餘年間其鴻儒俊彥締文經武  
若孟堅伏波汾陽橫渠權載之之徒猶種種  
不愧前誥而德輿者即畧陽人也夫洪河清  
漢白馬金牛秀吐二華靈開太乙今山川非  
伏羲以來之山川耶矧今皇帝銳意興文列  
聖功令具在學宮如敬一箴諸訓正伏羲以  
來心傳心法夫以如是山川具如是教法而  
以今觀秦人士反落落遠不逮古至于支城

岩邑並制科鄉舉百年不一二階者此何故歟王子來令畧陽他務未遑首以增治學舍爲務母乃謂其故在此矣固也然亦不盡然何者育才在學興學在教生才在山川成才則存乎其人夫自科舉之途辟而利祿之習營心學之教湮而道德之風熄今之所謂學古之所謂藝耳今之所謂才古之所謂技耳嗟嗟山川有靈豈第爲國家產科舉之輩以

應利祿之求已耶國家建學豈僅欲山川生此利祿之人以實科舉之設已耳斷不然矣畧陽近在古聖詰山川之內其人才之生必有可觀者願王工之有以教之也教當如何導之以學不以藝達之以才不以技望先師而教以願學孔子也夫兩廡而教以思齊群賢也守當代之名言則教以敬以治其心也應科第之旁求則教以道德有于身也教之

以養軒以下諸聖爲必可師而紀武也教之  
以橫渠載之以上諸賢爲必可交而比肩也  
必如是教而後可以爲學必如是學而後可  
以爲教必如是教而後于國家建置學宮之  
意斯爲稱情若曰畧陽下邑姑爲二三子科  
第計也非所以望于王子余于博士之來語  
之若此博士曰公言誠進于學政矣不獨告  
王子可以告全秦可以告天下遂書之作脩

畧陽縣誌

四十二

學記

重修縣治碑記

南 鐘

畧陽爲川陝之限窮谷巘巖素稱不易治正  
德戊辰盜起通巴明年蔓延至是破城郭焚  
廬舍民懼禍危殆十之六七其奔潰流離者  
又顧戀鄉土號泣道路聲振原隰盜既平人  
無所于歸訛言累興上下危之未幾四川馬  
君來令茲土始至與民約曰若苦盜賊乎曰

然曰出汝力保汝身何如曰以逸役我敢不  
奉命遂撥拾煨燼曲方規措之凡土石磚甃  
之屬不兩閱月而川委雲集度可舉事乃庀  
匠氏傭度工踰城以磚依木以鐵建樓于城  
四隅環城爲屋可通巡警與廟學壇壝藩臬  
行署縣治舖舍次第告成咸歸于度視舊有  
加焉經始于正德八年正月十五日落成于  
正德十年八月初一日邑之縉紳徵余爲記

余惟士君子之爲政處全盛之時易爲力處  
凋劫之時難爲功顧盛衰有期通變有數斯  
固天也君當兵燹之餘乃能芟其蕪去其穢  
逸其人因其地而後見夫人之所難而爲之  
甚易非有剗煩理劇之才孰克致此見君之  
作知君之志君之去危以置安除害以興利  
則茲舉也非尋常土木之功可比是宜書也  
君以鴻臚序班漸陞今職未二年自巡捕而

下俱有論卷畧之人惟恐其遷擢而去也余  
備員分署時與君同朝且有斯天之誼故不  
辭而爲之書

改創廟學記

毛 芬

漢之畧邑在萬山中鳳山象山峙如屏嘉陵  
八波環如帶靈巖古洞形如目峯綺錯而水  
淵澄洞蘊靈而材儲異以故民俗馴茂才雋  
蔚起自唐宋以建國朝代毓英傑唐則權公

畧陽縣誌

四十四

臯權公德輿以宰相柱史蜚聲宋則周公道  
王公大才以八座招撫豎箛國朝則卜公僉  
封公庫寶以給事主政開先彬彬濟濟日慚  
燁赫惟廟學舊在鳳山之麓宣德後改學北  
關旋改城堦而文脉遂斬畧士子鬱思復舊  
坵久矣邑侯中公來令茲土政教休明惠風  
逖邕然猶以興學崇文爲第一務謂山脉來  
自象山於是斷路以聯其脉也建樓以堅其

牙也開道以通其氣也立倉以儲其糧也士  
民已大喜耳日改觀也及奉太府王公之命  
脩舉邑誌見永樂前科第蟬聯舊學在鳳山  
下因承士民之請率諸弟子員往觀之果萃  
山水之奇爲武興最秀形勝遂益體太府之  
意而推廣其事即改文廟爲朝天宮改儒學  
爲文昌祠改訓導宅爲社學存其舊也於鳳  
山舊址創建廟學蠲俸百金鳩工庀材以恢

往圖又時蠲贖錢之金大成殿啓聖祠兩廡名  
宦鄉賢祠并儒學齋號犁然具備縱橫曲檻屈  
俛而宏起軒翥而暈飛匪華樸而文質適中  
今奕奕然觀成矣諸士謂有崇聖迪文育賢  
敷化之功謂記于石以示不朽余惟古帝王  
以建學造士領之有司故有司於邑事莫妙  
於因而今昔大異盛衰分輒心於創謂創  
即因也亦可今以百餘年久鬱之氣以值否

提顧不鬱則不發鬱不極則發不大侯于風  
鬱之學不難恢復激勸之猷不難振舉舉諸  
所指置己自井井有條誰謂古昔廟貌不失  
尺寸而猶不地傑人靈與古唐宋先賢輩較  
隆比列也耶察學爲海涿詞爲鋒翩翩乎齊  
執前鑣與海內比隆則此有啓必發之時哉  
予故謂公之創即善于因也亦可是役也財  
取諸俸工取諸傭士不知費民不知勞肇于

癸丑之夏落成于甲寅之春則侯之所以嘉  
惠畧二子鴻且遠也侯諱如垣別號秦廷由  
舉人天中之延津人以兵部司務出爲令清  
廉正直善政居多士民德之自有觀風者采  
之非廟學之記所能若夫僚吏及耆民之與  
有勞者附名碑陰

改創廟學記

喬進璠

漢以南之有畧也嘉陵如帶靈峻列屏秀色

靈氣之所苞孕自唐宋迄國初人文熙洽科第絕絕然起惟學舊在東閔鳳山之麓而英傑蔚興景泰後遷改北閔未幾河伯爲祟復改城中而文脉不絕矣今百七十餘年正太閔之會邑令申如頃酌士子改創之議力恢遺圖蠲俸百餘金出穀百餘石擇日祭告庀材鳩工先大成殿弘麗高敞焜燿澤宮至東西廡戟門櫺星儒學明倫堂次第而圖之工出

于募不徵夫家財出于俸不費公帑經始于癸丑之春暨甲寅之秋工即告竣至於改文廟爲朝天宮改儒學爲文昌祠存其舊也邑庠士劉紹先等走丐余言以勸貞珉余惟先王御世化民埏植萬宇固不興建學宮育成材雋教誦其法言侑其德容以聖賢爲師勿變於流俗言學則本於經術言政則紀於王道使天下稱淵源有自庶幾登斯堂也人人有猛



進之念焉余分憲漢疆匪止激濁揚清亦  
以興起斯文為務今邑學改創伊始諸生  
幸地靈人傑余以為從人傑付地靈而人  
自傑爾諸生趨向欲端操持欲定識見欲  
達以平日之學淵源以厚研發聰明正直之  
表而發情正澹泊寧靜之間衆詳之有不  
聞衆觀之有不見衆德慕而治悅縮心鞠  
躬而有下焉蓋孔孟家法祖宗憲章為律

東陽縣志

四十八

為度不濶不隨猶歲華布帛之切于身  
其何以旦夕之海鏡懸鏡而秀吾素也  
此之謂行實也員其行始懿才不拂世  
其才始進今日惜才惜分他日鵬飛豹變  
人何地靈之不人傑哉先正如唐之摧柱  
史宋之闢八座明之卜瑣閣芳規懿行照  
耀麗編斯以鴈行而頡頏之濟濟多士付  
今日循良改創之意矣余是以不辭固陋

遂掘管而著于石

白水路記

郭元桂 兵憲

畧陽嶽階之界地名大石碑一曰小石碑壁立百仞長可數十里許其上則鐵石峭岩不可鑿其下則溪流湍急不可渡其路則石當孔道不可斷唐宋時架木爲道久而傾圮旅人甚苦之強渡而溺者更僕未易數里民謀開路以通往來垂久遠而艱于費費即有司猶或難之戊子

夏直指鍾公按部至彼惻然在念爰捐金二百鳩工作路於石壁間閭里感公之德爭先赴役不期月而告成與馬僮卒履道坦途自下盼之恍然雲霄之上蓋可績也行旅父老自置豐碑請有司記其事公撤止之其畧曰古人爲其事隱其名余之所耻者名也幸無以名歸我弗獲已乃就石壁勒三大字其名曰鍾公路今年春不佞行部歷其地行旅父老擁道而申前請予嘗以執

事奉公左右知公最深義不可辭因索筆序  
大都于左以紀歲月公號文陸游之仁和人  
立心操行以古聖賢爲標準初令閩之惠安  
再令江右樂平俱有異政天子拜侍御史欽  
取實授爲天下第一其巡行川陝也時值地  
方災祲多方賑恤餓者以銀病者以藥死者  
以塚而又慎激揚興學校議禁令一切不便  
者更爲寬大惠利之法與民宣之兩省軍民

累陽縣誌

五十

鼓舞德化翕然號爲鍾佛子青衿多士則以  
鍾夫子稱之至縉紳私評公者曰古之人古  
之人茲特其一事云

題藥水洞

吳玠

山僧來徃自忘疲結屋懸崖高不危  
日已上西池

原碑脫損九  
字不敢妄增

其二

洞窟山巔下漏泉老龍酣睡幾千年誰將石

柱敲品喚我 是人間一散仙

讀白水路記

高應夔

開路磨碑紀至和 於今險易較如何 水來隴  
坂尋常見 峯比巫山十二多 一線天光依峽  
落懸崖鳥道側 身過蜀門秦塞元 辛苦何故  
行人日似梭

嘉陵晚渡

范昉 邑令

一片孤城 翠幕烟 嘉陵江畔 喚江船 亂渡只

嘉陽縣志

五十一

憑雙楫 駕逆浪 還須百丈 撐源發 仇池思 探  
穴路通 吳會唱 歸田從來 迹者皆 如此岸 草  
汀花空 自燃

泛舟遊靈巖

范昉

饒舌江流 曲折鳴 移樽携 伴放舟 行文玉 壘  
揚三四里 靈岩松 宇萬千 聲綠樹 連雲多 斷  
續音 變過雨 半陰晴 今朝幸 遇昇平 世真樂  
相兼吏 隱名

再遊靈巖

范昉

靈巖多幽勝一上一同新  
危石欹斜逕枯樹  
阮要津澳歌起地軸  
燕鳴出雲岑日落空山  
靜香氣拍清心

田谷陽縣志

五十二



